



ქ. თბილისი



09.10.2023

ურთიერთთანამშრომლობის მემორანდუმი

ერთი მხრივ, ა(ა)იპ „საქართველოს ადგილობრივ თვითმართველობათა ეროვნული ასოციაცია“ (შემდგომში „ასოციაცია“) წარმოდგენილი მისი ვიცე-პრეზიდენტის, გიორგი ტყემალაძის სახით, მეორე მხრივ, სსიპ „საქართველოს სტატისტიკის ეროვნული სამსახური“ (შემდგომში „საქსტატი“) წარმოდგენილი მისი აღმასრულებელი დირექტორის გოგიტა თოდრაძის სახით, ხელმძღვანელობენ რა ურთიერთვაგებისა და პატივისცემის პრინციპებით, გამოხატავენ რა ურთიერთთანამშრომლობის სურვილს, ითვალისწინებენ რა ორივე მხარის სამუშაო მიმართულებებსა და პრიორიტეტულ საკითხებს საქართველოს თვითმმართველ ერთეულებთან მიმართებაში, აღიარებენ, რომ მხარეების თანამშრომლობა ხელს შეუწყობს ადგილობრივი დემოკრატიის განვითარებას, გამოხატავენ თანამშრომლობის სურვილს და საკუთარი უფლებამოსილებისა და შესაძლებლობის ფარგლებში, დებენ წინამდებარე ურთიერთთანამშრომლობის მემორანდუმს შემდეგზე:

1. მემორანდუმის მიზანი

- 1.1. ასოციაციის წევრი მუნიციპალიტეტების აღმასრულებელ და წარმომადგენლობით ორგანოებში დარგობრივი სამსახურებისა თუ განყოფილებების საქმიანობასთან დაკავშირებული მონაცემებისა და გამოცდილების გაზიარების კუთხით თანამშრომლობა და კოორდინაცია.
- 1.2. საქართველოს მუნიციპალიტეტების აღმასრულებელ და წარმომადგენლობით ორგანოებში, ეროვნული და საერთაშორისო სტანდარტებისა და მეთოდოლოგიის შესაბამისად, მონაცემების შეგროვებისა და დამუშავების საკითხებზე თანამშრომლობა და კოორდინაცია, რეკომენდაციების მიცემა საქსტატის მხრიდან.
- 1.3. საქართველოს მუნიციპალიტეტების აღმასრულებელ და წარმომადგენლობით ორგანოებში ადამიანური რესურსების გაძლიერების, კოორდინაციის გაღრმავებისა და სხვადასხვა სფეროში გამოცდილების გაზიარების ხელშეწყობა თანამშრომლობის გზით.

2. მხარეთა ვალდებულებები

- 2.1 მხარეები იღებენ ვალდებულებას, მემორანდუმით გათვალისწინებული საქმიანობა წარმართონ ურთიერთშეთანხმებისა და კოორდინაციის პრინციპებზე დაყრდნობით.
- 2.2 მხარეები გამოთქვამენ მზადყოფნას ითანამშრომლონ გენდერულ და სხვა დარგობრივ სტატისტიკასთან დაკავშირებულ საკითხებზე: გაუზიარონ ინფორმაცია, გაიარონ კონსულტაციები და დაინტერესების შემთხვევაში განახორციელონ პროექტი, კვლევა, საკონსულტაციო მომსახურება და ა.შ.

3. მემორანდუმის მოქმედების ვადა და ცვლილებების შეტანის წესი


- 3.1 მემორანდუმი ძალაში შედის მხარეთა მიერ მისი ხელმოწერის დღიდან და ძალაშია რომელიმე მხარის ინიციატივით მის გაუქმებამდე.
- 3.2 ნებისმიერ მხარეს შეუძლია ამ მემორანდუმის ყოველგვარი მიზეზის გარეშე გაუქმება მეორე მხარისთვის 30 (ოცდაათი) დღით ადრე წერილობითი შეტყობინების მიწოდების საფუძველზე და კონკრეტული მიზეზით გაუქმება მეორე მხარისათვის 14 (თოთხმეტი) დღით ადრე წერილობითი შეტყობინების მიწოდების საფუძველზე.
- 3.3 მემორანდუმში ცვლილებების შეტანა შესაძლებელია მხარეთა წერილობითი შეთანხმების შესაბამისად.
- 3.4 მემორანდუმის გაუქმების შემდეგ მხარეებმა (მათი შესაძლებლობების ფარგლებში) უნდა განახორციელონ ყველა შესაბამისი და აუცილებელი ღონისძიება მემორანდუმის ფარგლებში უკვე დაწყებული პროექტების დასასრულებლად.

4. დამატებითი დებულებები

- 4.1 მემორანდუმის მიზნების განხორციელებისთვის მხარეებმა, საჭიროების შემთხვევაში, შესაძლებელია ითანამშრომლონ მესამე პირებთან.
- 4.2 მხარე, რომელსაც ფორსმაჟორული გარემოებების გამო, ხელი შეეშლება თავისი ვალდებულებების შესრულებაში, არ უნდა იქნას განხილული ამგვარი ვალდებულებების დამრღვევად. ხსენებულმა მხარემ ყველა ღონე უნდა იხმაროს ფორსმაჟორულ გარემოებათა შედეგების შესამსუბუქებლად. ამავე დროს, მხარეებმა ერთმანეთთან უნდა აწარმოონ კონსულტაციები ამ მემორანდუმის შემდგომი განხორციელების საშუალებებზე.
- 4.3 წინამდებარე მემორანდუმის ფარგლებში განსახორციელებელ პროექტებთან დაკავშირებული ხარჯების ანაზღაურების საკითხი განიხილება ინდივიდუალურად, მხარეთა წერილობითი შეთანხმების საფუძველზე.


5. მხარეთა რეკვიზიტები

ა(ა)იპ „საქართველოს ადგილობრივ
თვითმმართველობათა ეროვნული ასოციაცია“
მის: ქ. თბილისი, ა. ბელიაშვილის ქ. N 142
ტელ.: (995 32) 2 72 67 34
ვებ-გვერდი: www.nala.ge
ელ-ფოსტა: office@nala.ge



გიორგი ტყემალაძე
ვიცე-პრეზიდენტი

სსიპ „საქართველოს სტატისტიკის
ეროვნული სამსახური“
მის: ქ. თბილისი, 0180, ცოტნე დადიანის ქ. 30
ტელ: (+995 32) 2 36 72 10
ვებ-გვერდი: www.geostat.ge
ელ-ფოსტა: info@geostat.ge



გიორგი ტოდრაძე
აღმასრულებელი დირექტორი